

"Službene novine TK" broj: 14/01

Na osnovu člana 5. Zakona o Vladi Tuzlanskog kantona ("Službene novine Tuzlanskog kantona", broj 17/00), a u vezi sa članom 74. Zakona o zaštiti okoline ("Službene novine Tuzlansko-podrinjskog kantona", broj 6/98 i "Službene novine Tuzlanskog kantona", broj 15/00), Vlada Tuzlanskog kantona, na sjednici održanoj 20. 11. 2001. godine, donosi

ODLUKU

o visini naknade za zagađenje zraka iz termoenergetskih objekata

Član 1.

Ovom Odlukom utvrđuje se naknada za zagađenje zraka iz termoenergetskih objekata i to za:

- termoelektrane i energane,
- energane-toplane i
- toplane (kotlovnice).

Član 2.

Naknadu za zagađenje zraka dužna su plaćati sva pravna lica (u daljem tekstu: Obveznici) koja u objektima instalirane snage veće od 0,5 Mw, iz člana 1. ove Odluke, kao energente koriste: plin, ugalj, drvo i drvene otpatke i tečna goriva (mazut, naftu, otpadna ulja i dr.).

Član 3.

Obveznici, iz člana 1. ove Odluke, plaćat će naknadu ovisno o instaliranoj snazi postrojenja ili proizvedenom Mw i vrsti korištenog energenta.

Visina naknade utvrđuje se na osnovu podataka datih u tablicama i to:

- za termoelektrane i energane prema tablici 1. i
- za energane-toplane i toplane (kotlovnice) prema tablici 2.

Tablica 1. Visina naknada za termoelektrane i energane (iznosi naknada u KM/Mw)

Proizvedeni (Mw) Za svaki proizvedeni Mw	Vrsta energenta			
	Plin 0,15	Tečno gorivo 0,30	Ugalj lignit, drvo i drveni otpaci 0,50	Ugalj mrki 0,70

Tablica 2. Visina naknada za energane-toplane i toplane (kotlovnice) (iznosi naknada u KM/god.)

Instalirana snaga (u Mw) Za svaki Instalirani Mw	Vrsta energenta			
	Plin 150	Tečno gorivo 300	Ugalj lignit, drvo i drveni otpaci 420	Ugalj mrki 600

Član 4.

Za Obveznika plaćanja naknade za zagađenje zraka kada se radi o Objektima koji troše različite vrste energenata, naknada se obračunava srazmjerno procentu korištenja pojedinih energenata.

Za Obveznike plaćanja naknade za zagađenje zraka kada se radi o Objektima energana-toplana, za naknadu za zagađenje zraka obračunava se veći iznos, na osnovu instalirane snage postrojenja (u Mw) ili na osnovu količine proizvedenih megavata.

Član 5.

Sredstva iz člana 2. ove Odluke, Obveznici će uplaćivati na račun Direkcije za zaštitu okoline Tuzlanskog kantona, i to tako što godišnji iznos obračunatih sredstava na ime naknade obveznici mogu uplatiti:

- za Objekte termoelektrana i energana najviše u 12 jednakihmjesečnih rata.
- za Objekte toplana (kotlovnica) najviše u 6 jednakihmjesečnih rata.

Član 7.

Ova Odluka stupa na snagu danom objavljivanja u "Službenim novinama Tuzlanskog kantona", a primjenjivaće se 01.01.2002 godine.